

OKVIRNI SPORAZUM

o pružanju usluga servisiranja i popravke fotokopir aparata, multifunkcijskih aparata/faks aparata, printera, skenera i projektora

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Sarajevo, Reisa Džemaludina Čauševića 6/III, kojeg zastupa predsjednik Ustavnog suda BiH, Zlatko M. Knežević (u daljem tekstu: **Naručilac usluga**),

i

FACIT d.o.o., Dr. Kasima Begića br. 23, Sarajevo, koga zastupa Lamija Delalić, direktor (u daljem tekstu: **Davalac usluga**).

Član 1.

Predmet ovog okvirnog sporazuma je pružanje usluga servisiranja i popravke fotokopir aparata, multifunkcijskih aparata/faks aparata, printera, skenera i projektora za potrebe Naručioca usluga, prema definisanim uslovima iz tenderske dokumentacije broj SU-08-389-4/19 od 30. septembra 2019. godine i prema sadržaju Ponude broj 191010-01/LD od 10. oktobra 2019. godine sa kojom je Davalac usluga učestvovao u provedenom postupku konkurentskog zahtjeva za dostavljanje ponuda i rezultatima održane e-aukcije.

Naručilac usluga zadržava pravo potpune ili djelimične realizacije nabavke usluga do ukupne planirane vrijednosti, a prema planu potreba za predmetnu nabavku.

Član 2.

Ukupna vrijednost ovog sporazuma iznosi 3.500,00 KM bez uračunatog PDV-a, odnosno 4.095,00 KM sa uračunatim PDV-om.

Cijena norma sata servisa za opremu iz člana 1. ovog okvirnog sporazuma, po predviđenoj količini od 40h/1 iznosi 0,01 KM bez PDV-a odnosno 0,0117 KM sa PDV-om i uključuje sve pripadajuće troškove vezane za servis, uključujući i troškove transporta.

Naručilac usluga ne snosi troškove u vezi sa dolaskom servisera na lice mjesta.

U slučaju identifikacije kvara i utvrđenog rezervnog dijela koji treba zamijeniti, Davalac usluga dužan je dostaviti cijenu rezervnog dijela (predračun). Naručilac usluga zadržava pravo provjere cijene rezervnog dijela na tržištu (putem ispitivanja tržišta, interneta, ...) i prigovora na istu. Ukoliko je cijena rezervnog dijela realna tržišna cijena, Naručilac usluga će prihvatiti ponudu, a ako je značajno viša od realne tržišne cijene, Naručilac usluga zadržava pravo da sam nabavi

rezervni dio, koji je Davalac usluga dužan ugraditi u skladu sa uslovima iz člana 1. ovog okvirnog sporazuma.

Član 3.

Rokovi za odziv na poziv za intervenciju dolaskom Davaoca usluga na lice mjesta i rokovi za popravak kvarova na opremi iz člana 1. ove odluke sadržani su u tenderskoj dokumentaciji iz člana 1. ovog okvirnog sporazuma.

Član 4.

Davalac usluga se obavezuje da usluge fakturiše na osnovu radnog naloga potvrđenog od strane Naručioca usluga da je servis urađen.

Naručilac će voditi evidenciju potrošenih norma sati za određeni servis/popravku i na osnovu pismenog izvještaja o broju sati vršiti plaćanje.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 30 dana po izvršenju usluga bez primjedaba i prijemu fakture, fakturu proslijediti na plaćanje Ministarstvu finansija i trezora BiH.

Davalac usluga je saglasan da Naručiocu usluga neće zaračunavati kamate za zakašnjenje prilikom plaćanja preko Trezora, ako je Naručilac usluga u ugovorenom roku predao nalog za plaćanje Trezoru BiH.

Član 5.

Davalac usluga daje garanciju na rezervne dijelove 6 do 12 mjeseci, u zavisnosti od normi proizvođača rezervnih dijelova.

Član 6.

Ovaj okvirni sporazum se zaključuje na period od 12 mjeseci ili do ispunjenja okvirnog sporazuma, odnosno do zaključenja novog ugovora za iste usluge, uz mogućnost jednostranog raskida ugovora uz otkazni rok od 30 dana.

Član 7.

Na odnose između ugovornih strana koji nisu uređeni ovim okvirnim sporazumom primjenjuju se odredbe Zakona o obligacionim odnosima u Bosni i Hercegovini.

Član 8.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.


Član 9.

Ovaj okvirni sporazum stupa na snagu danom potpisivanja od strane ovlaštenih lica ugovornih strana.


Član 10.

Ovaj okvirni sporazum je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

ZA DAVAOCA USLUGA
D i r e k t o r


Lamija Delalić

ZA NARUČIOCA USLUGA
P r e d s j e d n i k
Ustavnog suda Bosne i Hercegovine


Zlatko M. Knežević

Broj: _____

Sarajevo, _____

Broj: SU-08-389-16/19

Sarajevo, 6. novembar 2019. godine